

Rudnik soli "Tuzla" d.d. Tuzla
Odbor za reviziju

IZVJEŠTAJ
o izvršenom pregledu finansijskih izvještaja
Rudnika soli "Tuzla" d.d. Tuzla
za period koji je završio 31.12.2019. godine

Tuzla, maj 2020.godine

Uvod

Obaveza za sačinjavanje i predaju finansijskih izvještaja za sva pravna lica propisana je Zakonom o računovodstvu i reviziji u Federaciji BiH¹, a u skladu sa Zakonom o privrednim društvima², Okvirom za pripremu i prezentaciju finansijskih izvještaja, Međunarodnim računovodstvenim standardima (MRS) i Međunarodnim standardima finansijskog izvještavanja (MSFI)³.

Prema kriterijima iz člana 4. Zakona o računovodstvu i reviziji FBiH, Rudnik soli "Tuzla" d.d. Tuzla spada u "velika pravna lica", čijim se vrijednosnim papirima trguje na tržištu kapitala te je obavezan sastavljati i prezentirati kompletan set finansijskih izvještaja (Bilans stanja, Bilans uspjeha, Izvještaj o novčanim tokovima, Izvještaj o promjenama u kapitalu, Bilješke uz finansijske izvještaje i Godišnji izvještaj o poslovanju).

U skladu sa Pravilnikom o Kontnom okviru, sadržaju konta i primjeni Kontnog okvira za privredna društva⁴ Pravilnikom o sadržaju i formi obrazaca finansijskih izvještaja za privredna društva⁵, sva privredna društva su dužna finansijske podatke prezentirati na obrascima i po kontnom planu propisanom od strane Ministarstva finansija F BiH.

Rokovi za sačinjavanje i dostavljanje finansijskih izvještaja o poslovanju emitenata (dioničko društvo upisano u registar kod Komisije za vrijednosne papire FBiH) precizirani su Pravilnikom o sadržaju, rokovima i načinu objavljivanja izvještaja emitenata vrijednosnih papira⁶.

Odbor za reviziju je izvršio pregled finansijskih izvještaja Rudnika soli "Tuzla" d.d. Tuzla (u daljem tekstu: Društvo) za period koji je završio 31.12.2019.godine, o čemu je sačinio svoja zapažanja po segmentima i dao mišljenje o izvršenom pregledu godišnjim finansijskim izvještajima za 2019.godinu.

Uprava Društva je odgovorna za pripremu i fer prezentaciju periodičnih finansijskih informacija u skladu sa Okvirom za pripremu i prezentaciju finansijskih izvještaja, Međunarodnim standardima finansijskog izvještavanja (MSFI) i Međunarodnim računovodstvenim standardima (MRS), Zakonom o računovodstvu i reviziji u Federaciji BiH i ostalim važećim propisima, te internim aktima Društva.

Odgovornost Odbora za reviziju je da na osnovu izvršenog pregleda izrazi mišljenje o tome da li su finansijski izvještaji pripremljeni, u svakom značajnom pogledu, u skladu sa zakonskom i drugom važećom regulativom, odnosno da li informacije sadržane u finansijskim evidencijama koje su bile predmet pregleda objektivno prikazuju po svim materijalno značajnim pitanjima povezanost sa finansijskim izvještajima Društva za period koji se završio 31.12.2019.godine..

1. OPŠTI PODACI

5.1. Osnovni podaci

Naziv pravnog lica: Dioničko Društvo Rudnik soli "Tuzla" Tuzla

Skraćena oznaka firme: Rudnik soli "Tuzla" d.d. Tuzla

Sjedište: Tuzla, ulica Tušanaj broj 66, Bosna i Hercegovina

Oblik organizovanja: dioničko društvo;

Promjene podataka o upisu u Sudski registar: u toku 2019.godine u sudski registar su upisane slijedeće promjene: – Odluka o razrješenju dužnosti direktora broj: 01-03/19-4226 od 26.12.2019. i Odluka o imenovanju v.d. direktora društva broj: 01-03/19-4227 od 26.12.2019.godine.

Matični registarski broj: 1 – 91;

Registarski broj emitenta kod Komisije za vrijednosne papire: 01 – 719 – 3842;

JIB za direktne poreze: 4209348590007

JIB za indirektne poreze: 209348590007

Osnivači/članovi subjekta upisa: dioničari prema listi

¹ "Službene novine F BiH" broj: 83/09;

² "Službene novine F BiH" broj: 23/99, 45/00, 2/02, 6/02, 29/03, 68/05, 91/07, 84/08, 88/08, 63/10 i 75/13, novi zakon 81/15;

³ "Službene novine F BiH" broj: 92/05;

⁴ "Službene novine Federacije BiH" broj 82/10;

⁵ "Službene novine Federacije BiH" broj 82/10;

⁶ "Službene novine FBiH" broj:32/07;

5.2. Odgovorna lica

v.d. Direktor: Mirnes Mujkić, dipl.kriminalist;;

v.d.Izvršni direktor za tehničke poslove: Kadro Jahić, dipl.ing.rudarstva,

v.d.Izvršni direktor za razvoj i istraživanja: dr.sc.Almir Šabović, dipl.ing.geologije,

v.d.Izvršni direktor za ekonomsko-finansijske i komercijalne poslove: Aldin Pašalić, dipl.ecc,

v.d.Izvršni direktor za pravne poslove: Indira Okić, dipl.pravnik,

Rukovodilac službe za ekonomsko-finansijske i računovodstvene poslove i certificirani računovođa Društva: Frano Josipović, dipl.ecc - broj licence: 3770 / 5

5.3. Temelji za prezentaciju finansijskih izvještaja

Finansijski izvještaji društva su pripremljeni u skladu sa Zakonom o računovodstvu i reviziji Federacije Bosne i Hercegovine, Međunarodnim računovodstvenim standardima (MRS) i Međunarodnim standardima finansijskog izvještavanja (MSFI)

Finansijski izvještaji društva sačinjeni su po načelu historijskog troška. Računovodstvene politike dosljedno su primjenjivane u svim periodima predstavljenim u ovim finansijskim izvještajima i u skladu su sa računovodstvenim politikama korištenim u prethodnoj godini.

Izvještajna valuta je Konvertibilna Marka. Transakcije iskazane u stranoj valuti preračunavaju se na izvještajnu valutu primjenom srednjeg kursa Centralne banke Bosne i Hercegovine na dan kada je izvršena transakcija.

Uz pojedinačna zapažanja o finansijskom poslovanju Društva u 2019.godini koje smo iznijeli u poglavlju 4. ovog izvještaja po klasama konta prezentirali smo i sažetak iz računovodstvenih politika i metoda primijenjenih prilikom vrednovanja i iskazivanja pojedinačnih bilansnih pozicija.

2. Cilj i obim pregleda

Cilj pregleda finansijskih izvještaja je da omogući Odboru za reviziju da, na osnovu provedenih odgovarajućih postupaka, izrazi mišljenje o tome da li je naišao na nešto što bi navodilo na uvjerenje da finansijski izvještaji nisu, po svim materijalno značajnim aspektima, sastavljeni u skladu sa utvrđenim okvirom za finansijsko izvještavanje.

Obim pregleda finansijskih izvještaja odnosi se na podatke prezentirane u bilansu stanja Rudnika soli "Tuzla" d.d. Tuzla na dan 31. decembra 2019. godine, te pripadajućeg bilansa uspjeha i izvještaja o gotovinskim tokovima i izvještaju o promjenama na kapitalu za period koji je završio 31. decembra 2019. godine.

Odbor za reviziju je aspekt svog posmatranja usmjerio na pravilnost sastavljanja finansijskih izvještaja, njihovu blagovremenu predaju te poštovanje i pravilnu primjenu Međunarodnih računovodstvenih standarda (MRS), Međunarodnih standarda finansijskog izvještavanja (MSFI), usvojenih računovodstvenih politika i drugih propisa.

Pregled smo izvršili u skladu sa Međunarodnim standardima revizije (ISAs) 120 - "Okvirni prikaz MSR" i 910 - "Postupci ispitivanja finansijskih izvještaja", primjenjivim u angažmanu na pregledu. Pregled periodičnih finansijskih informacija uključuje, prvenstveno, ispitivanja lica odgovornih za finansijska i računovodstvena pitanja, dokumenata, isprava, izvještaja, računovodstvenih i finansijskih postupaka i drugih evidencija, te primjenu analitičkih i drugih postupaka pregleda.

*Obzirom da je **obim pregleda finansijskih izvještaja značajno uži od obima revizije finansijskih izvještaja izvršenih u skladu sa Međunarodnim standardima revizije, odnosno, pregled finansijskih izvještaja ne pruža mogućnost sticanja uvjerenja da će se uočiti sva značajna pitanja koja bi mogla biti identifikovana tokom revizije, Odbor za reviziju ne izražava revizijsko mišljenje već mišljenje o pregledu finansijskih izvještaja.***

2.1. Rezime Odbora za reviziju

U rezimeu iznosimo osnovne zaključke i informacije o finansijskim izvještajima i poslovanju Društva za 2019.godinu:

1. Odbor za reviziju je izvršio uvid u finansijske izvještaje za razdoblje koje završava na dan 31.12.2019.godine po pojedinim segmentima i zaključio da su finansijski izvještaji sačinjeni u skladu sa važećim propisima, na propisanim obrascima i da su predati Agenciji za finansijske, informatičke i posredničke usluge d.d. Sarajevo - Poslovnica Tuzla 1 (nekadašnji AFIP, a sadašnja FIA) u propisanom roku za predaju godišnjih finansijskih izvještaja.
 2. Svi obrasci finansijskog izvještaja su ovjereni od strane odgovarajućih lica: direktora i ovlaštenog računovođe.
 3. **Ukupni prihodi** Društva, prema Bilansu uspjeha za razdoblje od 01.01. do 31.12.2019.godine ostvareni su u ukupnom iznosu od **16.521.351 KM**, što je **za 7,91% ili 1.210.403 KM više** u odnosu na isti period prethodne godine.
 4. **Ukupni rashodi** Društva, prema Bilansu uspjeha za razdoblje od 01.01. do 31.12.2019.godine ostvareni su u ukupnom iznosu od **14.391.284 KM**, što je **za 14,82% ili 1.857.271 KM više** u odnosu na isti period prethodne godine.
 5. **Ostvareni finansijski rezultat – dobit od neprekinutog poslovanja** iskazana je u Bilansu uspjeha za razdoblje od 01.01. do 31.12.2019.godine u iznosu od **2.130.067KM**, što je **23,29 % manje** od ostvarene dobiti u istom razdoblju prethodne godine.
Neto sveobuhvatna dobit perioda iskazana je u Bilansu uspjeha za razdoblje od 01.01. do 31.12.2019.godine u iznosu od **1.496.448 KM**, a rezultat je ostvarenog finansijskog rezultata – dobiti tekućeg perioda u iznosu od 1.888.234 KM umanjenog za gubitke evidentirane direktno u kapitalu u iznosu od 391.786 KM.
 6. Neto vrijednost Stalnih sredstava i dugoročnih plasmana iznosi **129.593.970 KM**, a čine je:
 - Nematerijalna stalna sredstva u iznosu od **29.723.002 KM**
 - Nekretnina, postrojenja i opreme u iznosu od **99.701.932 KM**
 - Dugoročne finansijske plasmane u iznosu od **169.036 KM**
 7. Obračun amortizacije u toku 2019.godine izvršen je u iznosu od 4.347.229 KM.
 8. Odbor za reviziju vjeruje da je na dan 31.12.2019.godine vrijednost stalnih sredstava "Nekretnine – Zemljište" precijenjena.
 9. U izvještajnom periodu **aktivirana su materijalna stalna sredstva** u ukupnom iznosu od 4.694.839,75 **KM**, i to:
 - Zemljište 441,75 KM,
 - Građevinski objekti (bušotine, cjevovodi i drugo) 4.509.282,79 KM,
 - Postrojenja, opremu 30.372,70 KM,
 - Alati, pogonski i kancelarijski namještaj 27.625,50 KM
 - Transportna sredstva 127.117,01 KM.
- Od ovog iznosa 3.842.094,35 KM se odnosi na nabavke koje su započete prije 2019.godine, a koje su aktivirane u tekućem periodu.
- Neaktivirane nabavke – investicije u toku** iznose **1.317.810,61 KM**, od čega se 963.940,22 KM odnosi na investicije započete u 2018.godini a 353.870,39 KM su investicije u toku iz tekućeg perioda.
10. **Neto vrijednost Tekućih sredstava** iskazana je u ukupnom iznosu od **15.362.276KM**, a čine ih zalihe i sredstva namijenjena prodaji i gotovina, kratkoročna potraživanja i kratkoročni plasmani.
 11. **Neto vrijednost gotovine** iskazana je u ukupnom iznosu od 12.540.938 KM.

12. **Neto vrijednost kratkoročnih potraživanja** iskazana su u ukupnom iznosu **1.077.537 KM** i obuhvataju potraživanja od kupaca, druga potraživanja i potraživanja za PDV.
13. Vrijednost ukupnog kapitala Društva iskazana je u Bilansu stanja na dan 31.12.2019.godine u ukupnom iznosu iznosu **139.626.993 KM** i za **1,08%** je **veća** u odnosu na stanje iskazano na kraju prethodnog perioda.
Upisani **osnovni kapital** Društva na dan 31.12.2019.godine iznosi **130.344.692 KM**.

Ukupne obaveze, rezervisanja i razgraničenja Društva iskazana su u Bilansu stanja na dan 31.12.2019.godine u ukupnom iznosu **6.293.384 KM** i **manje su za 19,95%** u odnosu na stanje iskazano na kraju prethodnog perioda, a obuhvataju:

- **Dugoročna rezervisanja** u ukupnom iznosu od **1.891.607 KM**;
 - **Dugoročne obaveze** u ukupnom iznosu od **1.082.727 KM**;
 - **Kratkoročne obaveze** u ukupnom iznosu od **3.148.843 KM** i
 - **Pasivna vremenska razgraničenja** u ukupnom iznosu od **170.207 KM**.
14. **Vrijednost vanbilansne evidencije** iskazana je u iznosu od **9.460.472 KM**, što je za **7,07%** **manje** u odnosu na vrijednost vanbilansne evidencije u istom razdoblju prethodne godine.

3. Mišljenje Odbora za reviziju

Osnov za izražavanje mišljenja

Procjena nadoknadive vrijednosti stalnog sredstva – zemljišta nije izvršena na način kako nalaže MRS 36 - Umanjenje imovine, a u vezi sa MRS 16 - Nekretnine, postrojenja i oprema. Izvjesno je da priznata i iskazana vrijednost zemljišta na dan 31.12.2019.godine odstupa od stanja koje bi se utvrdilo primjenom navedenih Standarda, da su se isti dosljedno primjenili.

Mišljenje Odbora za reviziju o finansijskim izvještajima

Na osnovu izvršenog pregleda finansijskih izvještaja za period koji se završio 31.12.2019.godine, Odbor za reviziju smatra da finansijski izvještaji ne daju istinit i fer pregled u skladu sa Međunarodnim računovodstvenim standardima.

Bez daljnje kvalifikacije na naše Mišljenje, skrećemo Upravi pažnju na ostale preporuke i napomene Odbora za reviziju iznesene u tekstu ovog izvještaja (Poglavlje 6).

Mišljenje Odbora za reviziju o radu organa rukovođenja i upravljanja

U skladu sa odredbama člana 27. Zakona o privrednim društvima u FBiH, Odbor za reviziju je dužan pored izvještaja o periodičnim i godišnjim izvještajima, dati i ocjenu o usklađenosti poslovanja društva i funkcionisanju organa društva sa ovim zakonom, drugim relevantnim propisima i osnovnim principima korporativnog upravljanja.

S tim u vezi, u ovom dijelu izvještaja Odbor za reviziju iznosi ocjenu o radu organa rukovođenja i upravljanja Rudnika soli "Tuzla" d.d. Tuzla (Uprava Društva i Nadzorni odbor) za period od 01.01. do 31.12.2019.godine.

Na osnovu pregleda finansijske i druge dokumentacije metodom slučajnog uzorka, možemo izraziti razumno uvjerenje da je poslovanje društva i funkcionisanje organa društva usklađeno sa zakonom, drugim relevantnim propisima i osnovnim principima korporativnog upravljanja

Temeljem prethodno navedenog možemo zaključiti da u toku 2019. godine nisu zabilježena značajna postupanja Uprave i Nadzornog odbora koja bi bila u suprotnosti sa važećim zakonskim propisima (prije svega Zakona o privrednim društvima), Statutom i drugim aktima Društva

6. ZABILJEŠKE ODBORA ZA REVIZIJU O PREGLEDU FINANSIJSKIH IZVJEŠTAJA DRUŠTVA

6.1. STALNA SREDSTVA I DUGOROČNI PLASMANI – Bilans stanja/Aktiva

Stalna sredstva i dugoročni plasmani kao fiksni dio aktive Društva obuhvataju nematerijalna sredstva, nekretnine, postrojenja i opremu te dugoročne finansijske plasmane, a nabavljaju se iz vlastitih sredstava, kreditnim zaduženjima ili putem donacija i namjenskih grantova.

Neto vrijednost Stalnih sredstava i dugoročnih plasmana iskazana je u Bilansu stanja na poziciji AOP 001 u iznosu **129.593.970 KM**, što odgovara iskazanom saldu u okviru Klase 0 u sintetičkom bruto bilansu na dan 31.12.2019.godine.

Uvidom u Bilans stanja, sintetički bruto bilans i analitičku evidenciju Društva utvrdili smo sljedeće stanje i kretanje na pojedinim kategorijama Stalnih sredstava i dugoročnih plasmana kako slijedi:

Nematerijalna stalna sredstva

Neto vrijednost Nematerijalnih stalnih sredstava Društva iskazana je na poziciji AOP 002 Bilansa stanja na dan 31.12.2019.godine u iznosu od **29.723.002 KM**, kako je prikazano u narednoj tabeli:

Tabela 1. Nematerijalna stalna sredstva na dan 31.12.2019.g.

u KM

R.b.	Grupa konta	Naziv	Nabavna vrijednost	Otpisana vrijednost	Sadašnja vrijednost	Index %
0	1	2	3	4	5	6 (5/3)
1.	010	Kapitalizirana ulaganja u razvoj	37.138.690	7.637.522	29.501.168	79,44
2.	011	Koncesije, patenti i druga prava	364.612	155.476	209.136	57,36
3.	014	Ostala nematerijalna sredstva	46.227	34.029	12.198	26,39
4.	015	Nematerijalna sredstva u pripremi				
5.	017	Avansi za nematerijalna sredstva	500		500	100,00
Ukupno nematerijalna sredstva			37.550.029	7.827.027	29.723.002	79,16

Zapažanja:

- Nematerijalna sredstva su početno vrednovana po trošku sticanja. Nakon početnog priznavanja ista se vrednuju po nabavnoj vrijednosti umanjenoj za akumuliranu amortizaciju i sve akumulirane gubitke od umanjenja.
- Nematerijalno sredstvo se priznaje kao sredstvo samo ukoliko postoji vjerovatnoća priliva budućih ekonomskih koristi koje bi bile rezultat upotrebe sredstva i ukoliko se vrijednost sredstva može vjerodostojno izmjeriti.
- U toku 2019.godine na ovoj bilansnoj poziciji nije bilo evidentiranih ulaganja dok je amortizacija obračunata u iznosu od 966.316,55 KM.
- Nematerijalna sredstva na dan 31.12.2019.godine otpisana su u visini 20,84% u odnosu na njihovu nabavnu vrijednost.

Nekretnine, postrojenja i oprema

Neto vrijednost Nekretnina, postrojenja i opreme iskazana je na poziciji AOP 008 Bilansa stanja na dan 31.12.2019.godine u iznosu od **99.701.932 KM**.

U narednom tabelarnom pregledu prikazano je stanje pojedinih pozicija nekretnina, postrojenja i oprema, njihova struktura i razlika u odnosu na stanje iz prethodnog perioda:

Tabela 2. Nekretnine, postrojenja i opreme na dan 31.12.2019.g. u KM

R.b.	Grupa konta	Naziv	Neto sadašnja vrijednost na dan 31.12.2018.	Neto sadašnja vrijednost na dan 31.12.2019.	Neto razlika	Index %	Struktura %
0	1	2	3	4	5	6 (4/3)	7 (4)
1.	020	Zemljište	51.273.524	51.273.965	+441	100,00	51,43
2.	021	Građevinski objekti	44.757.173	46.051.540	+1.294.367	102,89	46,19
3.	022, 023, 024	Postrojenja i oprema	1.039.499	1.058.616	+19.117	101,84	1,06
4.	025, 027	Avansi, nekretnine, postrojenja i oprema u pripremi	4.838.943	1.317.811	-3.521.132	27,23	1,32
UKUPNO			101.909.139	99.701.932	-2.207.207	97,83	100,00

Zapažanja:

- Nekretnine, postrojenja i oprema koji zadovoljavaju kriterije priznavanja kao stalno sredstvo, kod početnog priznavanja mjerena su po njihovoj nabavnoj vrijednosti. Nakon početnog priznavanja Nekretnine, postrojenja i oprema se vode po metodi troška umanjeno za akumuliranu amortizaciju i akumulirane gubitke od smanjenja. Obračun amortizacije vrši se primjenom vremenske linearne metode, osim za bušotine za koje se primjenjuje funkcionalni metod amortizacije. Dobici ili gubici koji nastanu zbog otuđenja pojedinih stalnih sredstava utvrđeni su kao razlika između neto prihoda i knjigovodstvene vrijednosti stalnog sredstva.
- U skladu sa MRS 36 - Umanjenje vrijednosti sredstava, paragraf 58., zemljište ima neograničen vijek upotrebe i zbog toga se ne amortizuje. Društvo je na dan 31.12.2008.godine aktiviralo stalna sredstava pogona Tetima. Nakon knjigovodstvenog evidentiranja Odluke (Odluka Nadzornog odbora broj: 459/09 od 24.02.2009.godine) i evidentiranja promjena koje su se u međuvremenu desile, Odbor za reviziju vjeruje da je na dan 31.12.2019.godine vrijednost zemljišta još uvijek precijenjena.
- Za određeni broj nekretnina iz kategorije zemljišta Društvo ne raspolaže potpunom vlasničkom dokumentacijom.
- Obračun amortizacije materijalnih sredstava izvršen je uz primjenu linearnog i funkcionalnog metoda obračuna amortizacije u skladu sa Odlukom o obračunu amortizacije za 2019.godinu.
- U strukturi materijalnih stalnih sredstava najveću vrijednost imaju zemljište (51,43%) i građevinski objekti (46,19%);
- U izvještajnom periodu **aktivirana su materijalna stalna sredstva** u ukupnom iznosu od 4.694.839,75 KM i to:
 - Zemljište 441,75 KM,
 - Građevinski objekti (bušotine, cjevovodi i drugo) 4.509.282,79 KM,
 - Postrojenja, opremu 30.372,70 KM,
 - Alati, pogonski i kancelarijski namještaj 27.625,50 KM
 - Transportna sredstva 127.117,01 KM.

Napomena: od ovog iznosa 3.842.094,35 KM se odnosi na nabavke koje su započete prije 2019.godine, a koje su aktivirane u tekućem periodu.

- Neaktivirane nabavke – investicije u toku** iznose **1.317.810,61 KM**, od čega se 963.940,22KM odnosi na investicije započete u 2018.godini a 353.870,39 KM su investicije u toku iz tekućeg perioda.

Preporuke Odbora za reviziju:

- *Izvršiti procjenu nadoknadive vrijednosti stalnog sredstva - zemljišta, kako nalaže MRS 36-Umanjenje imovine, a u vezi sa MRS 16 - Nekretnine, postrojenja i oprema. Izvjesno je da priznata i iskazana vrijednost zemljišta na dan 31.12.2019.godine odstupa od stanja koje bi se utvrdilo primjenom navedenih Standarda, da su se isti dosljedno primjenili.*
- *Nastaviti započete aktivnosti na obezbjeđenju nedostajuće vlasničke dokumentacije za sve nekretnine iskazane u finansijskim izvještajima.*

Napomene:

Nad značajnim dijelom zemljišta nije u zemljišnim knjigama upisano vlasništvo, u korist Društva. Takođe, značajan dio zemljišta nije upisan u zemljišne knjige u korist Društva, niti kao pravo korištenja-posjed, niti kao pravo raspolaganja-vlasništva. Stoga je neophodno u kontinuitetu voditi aktivnosti na pribavljanju odgovarajuće vlasničke evidencije nad zemljištem.

U periodu koji je prethodio konačnoj izradi i predaji finansijskih izvještaja Društvo je u kontinuitetu vodilo aktivnosti s ciljem postupanja po preporukama Vanjskog revizora i Odbora za reviziju s ciljem usaglašavanja vrijednosti precijenjenog zemljišta i svođenjem na vrijednost utvrđenu u Elaboratu o procjeni vrijednosti.

Dugoročni finansijski plasmani

Neto vrijednost Dugoročnih finansijskih plasmana Društva iskazana je na poziciji AOP 021 Bilansa stanja na dan 31.12.2019.godine u iznosu od **169.036 KM**, kako je prikazano u narednoj tabeli:

Tabela 3. Dugoročni finansijski plasmani na dan 31.12.2019.g

u KM

R.b.	Grupa konta	Naziv	Stanje 31.12.2018.	Stanje 31.12.2019.	Index %	Struktura %
0	1	2	3	4	6 (4/3)	7
1.	061	Pannonica J.P. Tuzla	2.000	2.000	100,00	1,18
2.	061	Sarajevo osiguranje d.d. Sarajevo	4.940	4.940	100,00	2,92
3.	061	Sodaso Holding d.d. Tuzla	162.096	162.096	100,00	95,89
UKUPNO			169.036	169.036	100,00	100,00

Zapažanje:

- Dugoročni finansijski plasmani evidentiraju se po trošku sticanja, umanjena za pad vrijednosti koji nije privremen i koji se utvrđuje za svako ulaganje pojedinačno.
- Nisu evidentirane promjene na poziciji ulaganja u dugoročne finansijske plasmane.

Druga dugoročna potraživanja

Na poziciji AOP 030 Bilansa stanja na dan 31.12.2016.godine iskazana su druga dugoročna potraživanja Društva koja se odnose na utužena potraživanja Rudnika soli od Vlade TK po osnovu zgrade Soda So i to: iznos ostalih potraživanja od Vlade TK u iznosu od 1.073.091 KM i ispravka vrijednosti navedenih potraživanja u istom iznosu, tako da je neto vrijednost ostalih dugoročnih potraživanja na dan 01.01.2019.godine 0,00 KM.

Na poziciji dugoročnih potraživanja nema iskazane vrijednosti iz razloga što je cjelokupan iznos potraživanja od Vlade TK utuženo i u cjelosti ispravljeno na teret rashoda ranijih perioda.

Razlog za ovakvu reklasifikaciju je što je na osnovu odluke Skupštine Društva broj 367/10 od 12.02.2010 i ugovora zaključenog 15.12.2010. godine između Vlade TK i Društva, nadležni Općinski Sud u Tuzli donio Rješenje broj: 032-0-Dn-10-003800 kojim se dozvoljava uknjižba prava vlasništva na gore navedenom nekretninom u korist Vlade TK, iako se ista nije mogla realizovati u dijelu smanjenja vlasništva Vlade TK u kapitalu Društva za navedenu vrijednost objekta.

6.2. ODLOŽENA PORESKA SREDSTVA – Bilans stanja/Aktiva

Na poziciji AOP 034 Bilansa stanja na dan 31.12.2016.godine iskazana su Odložena poreska sredstva u ukupnom iznosu od **964.131 KM**,

Odložena porezna sredstva su iznosi poreza na dobit nadoknativi u budućim periodima, a u finansijskim izvještajima Rudnika soli "Tuzla" d.d. Tuzla odnose se na:

- Odložena porezna sredstva po osnovu amortizacije u iznosu od **807.999 KM**,
- Odložena porezna sredstva po osnovu rezervisanja u iznosu od **156.132 KM**

6.3. TEKUĆA SREDSTVA – Bilans stanja/Aktiva, Izvještaj o gotovinskim tokovima

Neto vrijednost Tekućih sredstava iskazana je u Bilansu stanja na poziciji AOP 035 u ukupnom iznosu od **15.362.276 KM**, a čine ih zalihe i sredstva namijenjena prodaji i gotovina, kratkoročna potraživanja i kratkoročni plasmani.

Zalihe i sredstva namijenjena prodaji (Klasa 1)

Neto vrijednost Zaliha i sredstava namijenjenih prodaji iskazana je na poziciji AOP 036 Bilansa stanja na dan 31.12.2019.godine u iznosu od **1.743.801 KM**, kako je prikazano u narednoj tabeli:

Tabela 4. Zalihe i sredstava namijenjena prodaji na dan 31.12.2019.g

u KM

R.b.	Grupa konta	Naziv	Stanje na dan 31.12.2018.	Stanje na dan 31.12.2019.	Index %	Struktura %
0	1	2	3	4	5 (4/3)	6
1.	101,104	Sirovine, materijal, rez.dijelovi i sitan inventar	1.723.031	1.725.545	100,15	98,95
2.	151,159	Dati avansi	165	18.256	11.064	1,05
UKUPNO			1.723.196	1.743.801	101,20	100,00

Zapažanja:

- U skladu sa Računovodstvenim politikama Društva, zalihe sirovina i materijala se u skladištu vode po nabavnoj vrijednosti, te se u skladu sa evidencijom o njihovom utrošku knjiže na troškove sirovina i materijala. Utrošak sitnog inventara, ambalaže i auto guma se vrši metodom indirektnog otpisa preko računa ispravke vrijednosti i to primjenom jednokratnog otpisa odmah po stavljanju u upotrebu;
- Saldo ukupnih zaliha sirovina, materijala, rez.djelova, sitnog inventara i avansa na dan 31.12.2019.godine je za 1,20% veći u odnosu na stanje iskazano na kraju prethodnog perioda.

Gotovina, kratkoročna potraživanja i kratkoročni plasmani (Klasa 2)

Na poziciji AOP 043 Bilansa stanja na dan 31.12.2019.godine iskazano je stanje gotovine, kratkoročnih potraživanja i plasmana u ukupnom iznosu **13.618.475 KM**.

Gotovina i gotovinski ekvivalenti

Gotovina i gotovinski ekvivalenti obuhvataju gotovinu u blagajni (deviznu i u KM), novčane depozite u bankama i novčane račune u bankama što uključuje: žiro račune; izdvojena ili/i neizdvojena sredstva za posebnu namjenu i žiro računi u obliku općeprihvatljivih stranih valuta.

Društvo raspolaže novcem i novčanim ekvivalentima na više otvorenih bankarskih računa i u blagajni, a saldo na dan 31.12.2019.godine u iznosu od **12.540.938 KM** iskazan je na poziciji AOP 044 Bilansa stanja (vidjeti narednu tabelu).

Tabela 5. Gotovina i gotovinski ekvivalenti na dan 31.12.2019.godine

u KM

R.b.	Grupa konta	Naziv	Stanje 31.12.2015.	Stanje 31.12.2016.	Index %	Struktura %
0	1	2	3	4	5 (4/3)	6
1.	200,202	Stanje transakcijskih računa u KM	8.494.590	12.391.428	145,87	98,81
2.	201	Stanje deviznih računa	34.797	18.685	53,69	0,15
3.	205	Stanje KM blagajne	87	391	449,43	0,00
4.	206	Stanje devizne blagajne	34	34	100,00	0,00
5.	208	Rezervisana novčana sredstva	207.735	130.400	62,77	1,04
UKUPNO			8.737.243	12.540.938	143,53	100,00

Zapažanja:

- Novčana sredstva se iskazuju u nominalnoj valuti. Novčana sredstva u stranoj valuti preračunavaju se na izvještajnu valutu primjenom srednjeg kursa Centralne banke Bosne i Hercegovine na dan kada je izvršena transakcija. Prihodi i rashodi po osnovu kursnih razlika evidentiraju se na teret bilansa uspjeha perioda.
- Stanje ukupnih novčanih sredstava na dan 31.12.2019.godine je za 43,53% više u odnosu na stanje novčanih sredstava na kraju prethodnog obračunskog perioda.
- Najveći promet je ostvaren putem transakcijskih računa sa NLB bankom.

Kratkoročna potraživanja (Kratkoročna potraživanja, potraživanja za PDV i aktivna vremenska razgraničenja)

Kratkoročna potraživanja iskazana su na pozicijama AOP 047 do 062 Bilansa stanja na dan 31.12.2019.godine u ukupnom iznosu **1.077.537 KM** i obuhvataju Potraživanja od kupaca u zemlji u iznosu od 13.273.254 KM Ispravku vrijednosti potraživanja od kupaca u zemlji u iznosu od 12.321.290 KM, Druga potraživanja u neto iznosu od 74.448 KM i Potraživanja za PDV (ulazni porez) u iznosu od 51.085 KM.

Promjene potraživanja i struktura u toku 2019.godine prikazane su u sljedećoj tabeli:

Tabela 6. Kratkoročna potraživanja i plasmani na dan 31.12.2019.g.

u KM

R.b.	Grupa konta	Naziv	Stanje 31.12.2018.	Stanje 31.12.2019.	Index %	Struktura %
0	1	2	3	4	5 (4/3)	6
1.1.	211	Kupci u zemlji	13.429.421	13.273.254	98,84	
1.2.	219	Ispravka vrijednosti potraživanja	-12.321.290	-12.321.290	100,00	
1.3.	212	Kupci u inostranstvu				
1.	21	Neto potraživanja od prodaje (1.1.-1.3.)	1.108.131	951.964	85,91	88,35
2.	23	Druga potraživanja	540.729	74.488	13,78	6,91
I	2	Kratkoročna potraživanja (1+2)	1.648.860	1.026.452	62,25	95,26
3.	27	Potraživanja za PDV	33.181	51.085	153,96	4,74
UKUPNO			1.682.041	1.077.537	64,06	100,00

Zapažanja:

- Shodno Okviru MSFI, potraživanje, kao sredstvo pravnog lica je rezultat prošlih transakcija ili ostalih prošlih događaja koji, direktno ili indirektno, doprinosi prilivu novca i novčanih ekvivalenata odnosno resursa koji sadrže ekonomske koristi. Bilansne pozicije potraživanja i obaveza priznaju se prema iznosima iz kupoprodajnih ugovora ili druge na zakonu zasnovane dokumentacije, te potraživanja i obaveza koja proističu iz zakonskih i drugih osnova. Kratkoročno se rezervišu one buduće obaveze ili budući troškovi koji se odnose na rezultat poslovanja narednih obračunskih perioda u okviru perioda od 12 mjeseci, kao i unaprijed

naplaćeni prihodi po svim osnovama i obračunati a neplaćeni, odnosno nedospjeli rashodi po svim osnovama, ako se razgraničavaju na rok do godinu dana.

Naknadne promjene obuhvataju promjene nastaje kao posljedica kursnih razlika te otpise po osnovu usklađivanja potraživanja i obaveza.

- **Ukupna kratkoročna potraživanja** na dan 31.12.2019.godine **manja su za 37,75%** u odnosu na iskazano stanje na kraju prethodne godine.
- **Neto potraživanja od prodaje** na dan 31.12.2019.godine su za **14,09% su manja** u odnosu na stanje iskazano na dan 31.12.2018.godine. U strukturi kratkoročnih potraživanja neto potraživanja od kupaca u zemlji iznose **88,35%**.

Najveći dio ukupnih neto potraživanja od kupaca odnosi se na dva najveća kupca: „Solana“ d.d. Tuzla i „Sisecam soda“ doo Lukavac.

- **Druga potraživanja** na dan 31.12.2019.godine iznose **74.488 KM (neto vrijednost)** što je za **86,22% manje** u odnosu na prethodni period. U strukturi ukupnih potraživanja učestvuju sa **6,91%**.

Na poziciji drugih kratkoročnih potraživanja, najveći iznos potraživanja se odnosi na potraživanja za porez na dobit u iznosu od 49.599,00KM

- **Potraživanja po osnovu PDV-a** iznose **51.085 KM**. U strukturi ukupnih potraživanja učestvuju sa **4,74%**.

Preporuka Odbora za reviziju:

- **Poduzeti sve zakonom dopuštene aktivnosti na naplati svih potraživanja u ugovorenom roku sa posebnim akcentom na potraživanja koja su tužena.**

Napomena:

Društvo je u toku prethodnog perioda kontinuirano vršilo preispitivanje svojih potraživanja i vršilo odgovarajuća knjiženja na sumnjiva i sporna potraživanja čime je vršeno usklađivanje nominalnog iznosa za procijenjene nenadoknadive iznose.

6.4. KAPITAL– Bilans stanja/Pasiva, Izvještaj o promjenama u kapitalu

Kapital (Klasa 3)

Vrijednost ukupnog kapitala Društva iskazana je na poziciji AOP 101 do 128 Bilansa stanja na dan 31.12.2019.godine u ukupnom iznosu **133.123.451 KM** i za **1,08%** je **veća** u odnosu na stanje iskazano na kraju prethodnog perioda.

Pregled vlasničke strukture upisanog osnovnog kapitala i uporedba sa stanjem iz prethodnog perioda dati su u narednoj tabeli:

Tabela 7. Struktura kapitala na dan 31.12.2016.g.

u KM

R.b.	Grupa konta	Elementi	Stanje 31.12.2018.	Stanje 31.12.2019.	Index %	Struktura %
0	1	2	3	4	5 (4/3)	6
1.	3	Kapital	130.344.692	130.344.692	100,00	93,35
2.	320	Emisiona premija	19.990	19.990	100,00	0,01
3.	32	Rezerve	2.417.564	5.113.833	211,53	3,66
4.	33	Revalorizacione rezerve	1.569.354	1.569.354	100,00	1,12
5.	34,35	Neraspoređena dobit	3.778.945	2.970.910	78,62	2,13
5.4.	350	Gubitak ranijih godina		-391.786	0,00	-0,27
UKUPNO			138.130.545	139.626.993	101,08	100,00

Zapažanja:

- Upisani **osnovni kapital** Društva na dan 31.12.2019.godine iznosi **130.344.692 KM**, broj dionica je 1.531.665, odnosno **nominalna vrijednost jedne dionice iznosi 85,10 KM**,
- Podaci o stanju i promjenama na Kapitalu iskazani u obrascima Bilans stanja i Izvještaj o promjenama na kapitalu za period koji se završava na dan 31.12.2019.godine saglasni su podacima iskazanim u sintetičkom bruto bilansu Društva.

**6.5. DUGOROČNA REZERVISANJA
DUGOROČNE OBAVEZE
KRATKOROČNE OBAVEZE
PASIVNA VREMENSKA RAZGRANIČENJA – Bilans stanja/Pasiva**

Obaveze, rezervisanja i razgraničenja (klasa 4)

Ukupne obaveze, rezervisanja i razgraničenja Društva iskazana su u Bilansu stanja na dan 31.12.2019.godine u ukupnom iznosu **6.293.384 KM** i **manje su za 19,95%** u odnosu na stanje iskazano na kraju prethodnog perioda, a obuhvataju:

- **Dugoročna rezervisanja** iskazana na poziciji AOP 128 Bilansa stanja na dan 31.12.2016.godine u iznosu od **1.891.607 KM**;
- **Dugoročne obaveze** iskazane na poziciji AOP 131 Bilansa stanja u ukupnom iznosu od **1.082.727 KM**;
- **Kratkoročne obaveze** iskazane na poziciji AOP 140 u ukupnom iznosu od **3.148.843 KM** i
- **Pasivna vremenska razgraničenja** iskazane na poziciji AOP 164 Bilansa stanja u ukupnom iznosu od **170.207 KM**.

Promjene salda obaveza, rezervisanja i razgraničenja, kao i njihova struktura prikazane su u narednoj tabeli:

Tabela 8. Ukupne obaveze Društva na dan 31.12.2019.g.

							u KM	
R.b.	Grupa konta	Naziv	Stanje 31.12.2018.	Struktura %	Stanje 31.12.2019.	Struktura %	Index %	
0	1	2	3	4 (3)	5	6 (5)	7 (5/3)	
I	40 do 41	Dugoročne obaveze	4.629.896	58,89	2.974.334	47,26	64,24	
1.	40	Dugoročna rezervisanja/unaprijed naplaćeni i odloženi prihod	3.065.957	39,00	1.891.607	30,06	61,70	
2.	41	Dugoročne obaveze/Dugoročni krediti	1.563.939	19,89	1.082.727	17,20	69,23	
II	42 do 47	Kratkoročne obaveze	2.967.775	37,75	3.148.843	50,03	106,10	
1.	42	Kratkoročne finansijske obaveze	481.212	6,12	481.212	7,65	100,00	
1.1.	424	Kratkoročni dio dugoročnih obaveza	481.212	6,12	481.212	7,65	100,00	
1.2.	429	Ostale kratkoročne finansijske obaveze		0,00				
2.	43	Obaveze iz poslovanja	1.641.404	20,88	779.007	12,38	47,46	
2.1.	432	Dobavljači u zemlji	683.194	8,69	707.804	11,25	103,60	
2.2.	433	Dobavljači u inostranstvu	958.210	12,19	71.203	1,13	7,43	
3.	45	Obaveze po osnovu plaća, naknada plaća i ostalih primanja zaposlenih	524.006	6,67	437.365	6,95	83,47	
3.1.	450,451, 452	Obaveze po osnovu plaća i naknada plaća (uključujući poreze i doprinose)	475.647	6,05	401.082	6,37	84,32	
3.2.	456	Obaveze za ostala primanja zaposlenih	48.359	0,62	36.283	0,58	75,03	
4.	46	Druge obaveze	112.292	1,43	38.573	0,61	34,35	
5.	47	Obaveze za PDV	137.781	1,75	1.343.269	21,34	974,93	
6.	48	Obaveze za ostale poreze i druge dadžbine	71.080	0,90	69.417	1,10	97,66	
III.	49	Pasivna vremenska razgraničenja	264.434	3,36	170.207	2,71	64,37	
IV.	4	Ukupne obaveze (I+II+III)	7.862.105	100,00	6.293.384	100,00	80,05	

Zapažanja:

- Obaveza je sadašnja obaveza proizašla iz prošlih događaja od kojeg se očekuje da će dovesti do odliva resursa koji sadrže ekonomske koristi iz pravnog lica, a priznaje se kada je vjerovatno da će odliv resursa koji sadrži ekonomske koristi proisteći iz podmirenja sadašnjih obaveza.

Bilansne pozicije potraživanja i obaveza priznaju se prema iznosima iz kupoprodajnih ugovora ili druge na zakonu zasnovane dokumentacije, te potraživanja i obaveza koja proističu iz zakonskih i drugih osnova.

Preporuke Odbora za reviziju:

- **Nastaviti aktivnosti izmirivanja svih obaveza, naročito obaveza za poreze i doprinose.**

6.6. BILANS USPJEHA

Rashodi (Klasa 5)

Ukupni rashodi Društva, prema Bilansu uspjeha za period od 01.01. do 31.12.2019.godine, ostvareni su u ukupnom iznosu od **14.391.284 KM**, što je za **14,82% više** u odnosu na isti period prethodne godine. U narednoj tabeli dat je prikaz ostvarenih rashoda (analitika prema prirodnim vrstama) u toku 2019.godine, kao i uporedba sa ostvarenjem u toku 2018.godine:

Tabela 9. Ostvareni rashodiu periodu 01.01. do 31.12.2019. godine

u KM

R.b.	Grupa konta	Naziv	Ostvarenje u 2018.g.	Ostvarenje u 2019.g.	Index %	Struktura %
0	1	2	3	4	5 (4/3)	6 (4)
I	POSLOVNI RASHODI (1 do 8)		12.040.875	13.104.896	108,84	91,06
1.	50	Nabavna vrijednost prodate robe				
2.	51	Materijalni troškovi	2.543.178	2.915.174	114,63	20,26
2.1.	511	Utrošene sirovine i materijal	796.288	879.355	110,43	6,11
2.2.	512	Utrošena energija i gorivo	1.715.058	2.004.116	116,85	13,93
2.3.	514	Otpis sitnog inventara, auto guma i HTZ opreme	31.832	31.703	99,59	0,22
3.	52	Troškovi plaća i ostalih ličnih primanja	3.741.901	3.937.544	105,23	27,36
3.1.	520	Troškovi plaća (BRUTO)	3.064.014	3.294.023	107,51	22,89
3.2.	523	Troškovi službenih putovanja zaposlenih	32.626	19.222	58,92	0,13
3.3.	524	Troškovi ostalih primanja, naknada i materijalnih prava zaposlenih	592.914	574.995	96,98	4,00
3.4.	527	Troškovi naknada članovima odbora, komisija i sl.	32.889	34.407	104,62	0,24
3.5.	529	Troškovi naknada ostalim fizičim licima	19.458	14.897	76,56	0,10
4.	53	Troškovi proizvodnih usluga	534.797	376.701	70,44	2,62
4.1.	531	Troškovi transportnih usluga	2.996	1.250	41,72	0,01
4.2.	532	Troškovi usluga održavanja	514.114	353.418	68,74	2,46
4.3.	533	Troškovi zakupa				
4.4.	534	Troškovi sajмова				
4.5.	535	Troškovi reklame i sponzorstva	17.687	22.033	124,57	0,15
4.6.	536	Troškovi istraživanja				
5.	dio 54	Amortizacija	4.422.522	4.347.229	98,30	30,20
5.1.	540	Amortizacija do visine porezno priznatih rashoda	3.458.042	3.660.405	105,85	25,43
5.2.	541	Amortizacija privremeni porezno nepriznat rashod	964.480	686.824	71,21	4,77
6.	548	Troškovi rezervisanja		898.827		6,25
7.	55	Nematerijalni troškovi	798.477	629.421	78,83	4,37
7.1.	550	Troškovi neproizvodnih usluga	392.951	224.168	57,05	1,56
7.2.	551	Troškovi reprezentacije	25.236	51.059	202,33	0,35
7.3.	552	Troškovi premije osiguranja	4.338	6.854	158,00	0,05
7.4.	553	Troškovi platnog prometa	17.583	21.086	119,92	0,15
7.5.	554	Troškovi poštanskih i telekomunikacionih usluga	23.104	26.611	115,18	0,18
7.6.	555	Troškovi poreza, naknada, taksi i drugih dadžbina na teret pravnog lica	318.421	289.178	90,82	2,01
7.7.	556	Troškovi članskih doprinosa i drugih sl. obaveza	206	2.056	998,05	0,01
7.8.	559	Ostali nematerijalni troškovi	16.638	8.409	50,54	0,06
II	NEPOSLOVNI RASHODI (8 i 9)		438.844	1.284.868	292,78	8,93
8.	56	Finansijski rashodi	36.000	318.227	883,96	2,21
8.1.	561	Rashodi kamata	36.000	318.227	883,96	2,21
8.2.	562	Negativne kursne razlike				
8.3.	569	Ostali finansijski rashodi				
9.	57	Ostali rashodi i gubici	402.844	966.641	239,95	6,72
9.1.	570	Gubici od prodaje rashodovanih stalnih sredstava				
9.2.	571	Gubici od prodaje i rashodovanja investicijskih pokretnina				
9.3.	575	Gubici (rashod) od prodaje materijala	6.522	8.587	131,66	0,06
9.4.	576	Manjkovi	146			
9.5.	578	Rashodi po osnovu ispravke vrijednosti i otpisa potraživanja				
9.6.	579	Rashodovanja i gubici na zalihama materijala i ostali rashodi	396.176	958.054	241,83	6,66
10.	58	Rashodi po osnovu umanjenja vrijednosti	0	0		
10.1.	581	Umanjenje vrijednosti materijalnih sredstava				
11.	59	Rashodi po osnovu ispravki grešaka	54.294	1.520	2,80	0,01
11.1.	591	Rashodi po osnovu ispravki grešaka iz ranijih godina	54.294	1.520	2,80	0,01
UKUPNI RASHODI (I + II)			12.534.013	14.391.284	114,82	100,00

Zapažanja:

- Rashodi su priznati u bilansu uspjeha na osnovu direktne povezanosti između nastalih troškova i stavki povezanih prihoda. Priznavanje rashoda vršeno je istodobno i sa priznavanjem povećanja obaveza ili smanjenja sredstava, bez obzira da li su obaveze plaćene ili ne. Dakle, svi rashodi koji su nastali i koji se odnose na obračunski period 2019.godine priznati su u bilansu uspjeha
- **Poslovni rashodi** iskazani su u Bilansu uspjeha za period 01.01. do 31.12.2019.godine na poziciji AOP 212 u ukupnom iznosu od **13.104.896 KM**, što je u za **8,84% više** u odnosu na isti period prethodne godine, a obuhvataju materijalne troškove, troškove plaća i ostalih ličnih primanja, troškove proizvodnih usluga, troškove obračunate amortizacije, troškove rezervisanja i nematerijalne troškove.
- **Finansijski rashodi** iskazani su u Bilansu uspjeha za period 01.01. do 31.12.2019.godine na poziciji AOP 234 u iznosu od **318.227 KM**.
- **Ostali rashodi i gubici perioda** iskazani su u Bilansu uspjeha na poziciji AOP 254 u iznosu od **966.641 KM**.
- **Rashodi po osnovu ispravki grešaka iz ranijih godina** iskazani su u Bilansu uspjeha za na poziciji AOP 296 u iznosu od **1.520 KM**.

Preporuke Odbora za reviziju:

- *Kontinuirano preispitivati svaku poziciju troška, odnosno rashoda, sa ciljem smanjenja cijene koštanja gotovog proizvoda i poboljšanja finansijskog rezultata.*

Prihodi (Klasa 6)

Ukupni prihodi Društva, prema Bilansu uspjeha za period od 01.01. do 31.12.2019.godine, ostvareni su u ukupnom iznosu od **16.521.351 KM**, što je za **7,91% više** u odnosu na isti period prethodne godine. U narednoj tabeli dat je prikaz ostvarenih prihoda (analitika prema prirodnim vrstama) u toku 2019.godine, kao i uporedba sa ostvarenjem u toku 2018.godine:

Tabela 10. Ostvareni prihodi u periodu 01.01. do 31.12.2019. godine

u KM

R.b.	Grupa konta	Naziv	Ostvarenje u 2018.g.	Ostvarenje u 2019.g.	Index %	Struktura %
0	1	2	3	4	5 (4/3)	6 (4)
I	POSLOVNI PRIHODI (1 do 4)		14.951.585	15.046.061	100,63	91,07
1.	60	Prihodi od prodaje robe				
2.	61	Prihodi od prodaje učinaka na domaćem tržištu	14.729.604	14.928.352	101,35	90,36
3.	62	Prihodi od aktiviranja ili potrošnje robe i učinaka				
4.	65	Ostali poslovni prihodi	221.981	117.709	53,03	0,71
4.1.	651	Prihodi od zakupa	12.290	15.132	123,12	0,09
4.2.	652	Prihodi od donacija	173.303	92.727	53,51	0,56
4.3.	655	Prihodi od nenamjenskih izvora finansiranja	32.828	6.769	20,62	0,04
4.4.	659	Ostali prihodi po drugim osnovama	3.560	3.081	86,54	0,02
II	NEPOSLOVNI PRIHODI (5 i 6)		359.363	1.475.290	410,53	8,93
5.	66	Finansijski prihodi	309	473	153,07	0,00
6.	67	Ostali prihodi i dobiti	359.054	1.474.817	410,75	8,93
6.1.	675	Prihodi od prodaje materijala	13.015	18.349	140,98	0,11
6.2.	676	Viškovi	78.662	136.182	173,12	0,83
6.3.	677	Naplaćena otpisana potraživanja	62.488	25.259	40,42	0,15
6.4.	678	Prihodi po osnovu ugovorene zaštite od rizika				
6.5.	679	Otpis obaveza, ukunuta rezervisanja i ostali prihodi	204.889	1.295.027	632,06	7,84
UKUPNI PRIHODI (I + II)			15.310.948	16.521.351	107,91	100,00

Zapažanja:

- Prihodi se priznaju na akrealnoj osnovi po fer vrijednosti naknade koja je primljena ili se potražuje umanjena za iznos svih utvrđenih popusta i iznosa naplaćenih u ime treće strane (iznos obračunatog PDV-a). Prihod od prodaje proizvoda i usluga se priznaje kada su proizvod ili usluga isporučeni i prihvaćeni od strane kupca.

- **Poslovni prihodi** iskazani su u Bilansu uspjeha za period 01.01. do 31.12.2019.godine na poziciji AOP 201 u ukupnom iznosu od **15.046.061 KM**, što je za **0,63% više** u odnosu na isti period prethodne godine, a čine ih:
 - **Prihodi od prodaje učinaka na domaćem tržištu** (prihodi od prodaje slane vode, premiranje kvalitete slane vode, prihodi od usluga u BiH i prihodi od usluga iznajmljivanja bungalova) u iznosu od **14.928.352 KM**, što je za **1,35% više** u odnosu na isto razdoblje prethodne godine i čine **90,36%** ukupnih prihoda razdoblja,
 - **Ostali poslovni prihodi** (prihodi od zakupa, obračunati prihodi pripadajućeg tekućeg dijela donacija, ostali poslovni prihodi) u iznosu od **117.709 KM** a čine **0,71%** ukupnih prihoda razdoblja.
- **Finansijski prihodi** iskazani su u Bilansu uspjeha za period 01.01. do 31.12.2019.godine na poziciji AOP 227 u iznosu od **479 KM**.
- **Ostali prihodi i dobici** iskazani su u Bilansu uspjeha na poziciji AOP 244 u iznosu od **1.475.290 KM**. U strukturi ukupnih prihoda čine 8,93%.

Finansijski rezultat perioda (Klasa 7/prenos na Klasu 3)

Ostvareni finansijski rezultat – dobitod neprekinutog poslovanja iskazana je u Bilansu uspjeha za period od 01.01. do 31.12.2019.godine na poziciji AOP 297 u iznosu od **2.130.067 KM**.

Ukupna sveobuhvatna dobit perioda iskazan je u Bilansu uspjeha za period od 01.01. do 31.12.2019.godine na poziciji AOP 332 u iznosu od **1.496.448 KM**, a rezultat je ostvarenog finansijskog rezultata – dobiti tekućeg perioda umanjene za porezne rashode perioda, odložene porezne prihode i rashode po osnovu ranije nepriznatih troškova amortizacije u poreskim bilansima ranijih perioda.

Ostvareni finansijski rezultat za period 01.01 –31.12.2019. i 2018.godine prikazan je u sljedećoj tabeli:

Tabela 11. Finansijski rezultat perioda

u KM

R.b.	Naziv	2018	2019	Index %
0	1	2	3	4 (3/2)
1.	Ukupni prihodi	15.310.948	16.521.351	107,91
2.	Ukupni rashodi	-12.534.013	-14.391.284	114,82
FINANSIJSKI REZULTAT PERIODA		2.776.935	2.130.067	76,71
1.	Dobit/gubitak od poslovnih aktivnosti	2.910.710	1.941.165	66,69
2.	Dobit/gubitak od finansijskih aktivnosti	-35.691	-317.754	890,29
3.	Dobit/gubitak po osnovu ostalih aktivnosti	-43.790	508.176	1160,48
4.	Dobit/gubitak po osnovu usklađivanja vrijednosti			
5.	Prihodi/rashodi iz osnova promjene računovodstvenih politika i ispravki neznčajajnih grešaka iz ranijeg perioda	-54.294	-1.520	2,80
DOBIT ILI GUBITAK NEPREKINUTOG POSLOVANJA (1 do 5)		2.776.935	2.130.067	76,71
6.	Porezni rashodi perioda	-230.526	-123.288	53,48
7.	Odloženi porezni rashodi perioda	-100.211	-277.110	276,53
8.	Odloženi porezni prihodi perioda	96.448	158.565	164,40
NETO DOBIT/GUBITAK PERIODA (1 do 8)		2.542.646	1.888.234	74,26
9.	Dobici utvrđeni direktno u kapitalu	437.627		
10.	Gubici utvrđeni direktno u kapitalu		-391.786	
UKUPNO NETO OSTALA SVEOBUH VATNA DOBIT/GUBITAK(1 do 10)		2.980.273	1.496.448	50,21

Zapažanja:

- Raspored finansijskog rezultata vrši se u skladu sa odlukama organa upravljanja, a u skladu sa Zakonom o privrednim društvima i Računovodstvenim politikama Društva.
- Ne raspoređeni dobitak – gubitak perioda raspoređuje se najkasnije do kraja naredne godine

6.7.VANBILANSNA EVIDENCIJA (Klasa 8)




U skalu sa MRS-om 10 – Događaji nakon izvještajnog perioda, poslovni događaji koji sami po sebi nemaju ili još nemaju direktan uticaj na sredstva i izvore sredstava, ali koji u budućnosti mogu dovesti do takvih uticaja evidentiraju se vanbilansno (u okviru konta klase 8).

Vrijednost vanbilansne evidencije iskazana je u bilansu stanja za period 01.01. do 31.12.2019.godine na poziciji AOP 066 i 167 u iznosu od 9.460.472 KM što je za 7,07% manje u odnosu na vrijednost vanbilansne evidencije u istom razdoblju prethodne godine.

Vanbilansno su evidentirani:

- Nabavna vrijednost stalnih sredstava od kojih se ne očekuje korist u iznosu od 3.800.722 KM
- Obaveze po primljenim avalima i garancijama od pravnih lica u ukupnom iznosu od 909.750 KM
- Potraživanja po datim avalima, garancijama i drugim jemstvima od pravnih lica u ukupnom iznosu od 4.750.000 KM

ODBOR ZA REVIZIJU
Rudnika soli „Tuzla“ d.d. Tuzla
Broj: OR- 03 /20
Tuzla 07.05.2020.godine

Predsjednik 
Mr sc. Isada Mahmutović, dipl.ecc.
Član 
Belma Hasić, dipl.ecc.
Član 
MA Belma Opjajac, dipl.ecc.